

აჭარის არ ფინანსთა და ეკონომიკის სამინისტროს საქვეუწყებო დაწესებულება -
საავტომობილო გზების დეპარტამენტის
სატენდერო კომისიის სხდომის
ოქმი N170-1

29/07/2022 წელი.

ქ. ბათუმი.

დღის წესრიგი: შუახვევის მუნიციპალიტეტში ს/გზა „ხიჭაური-ნაღვარევი“ კმ0+000-კმ5+100 მონაკვეთზე ასფალტობეტონის საფარის მოწყობის სამუშაოების ელექტრონული ტენდერის აუქციონის გარეშე სახელმწიფო შესყიდვის სატენდერო განცხადების და სატენდერო დოკუმენტაციის პროექტის დამტკიცება.

სხდომას ესწრებოდნენ:

სატენდერო კომისიის თავმჯდომარე და აპარატის უფროსი: სახელმწიფო შესყიდვების სფეროში დეპარტამენტის უფროსის კურატორი მოადგილე - სულხან მოწყობილი.

კომისიის თავმჯდომარის მოადგილე და აპარატის წევრი, სახელმწიფო შესყიდვების სამსახურის უფროსი - ზებურ ჩავლეიშვილი.

კომისიის წევრები:

- იურიდიული სამსახურის უფროსი - მალხაზ ბოლქვაძე
- ინფრასტრუქტურის განვითარებისა და პროექტების მართვის სამსახურის უფროსის მოვალეობის შემსრულებელი - ასლან დუმბაძე.
- ლოჯისტიკისა და ქონების მოვლა-შენახვის სამსახურის ქონების მართვისა და ლოჯისტიკის განყოფილების უფროსი - აკაკი გოგიტიძე.

აპარატის წევრი:

სახელმწიფო შესყიდვების სამსახურის პირველი კატეგორიის უფროსი სპეციალისტი - ირინა ფუტკარაძე

მომხსენებელი: აპარატის წევრი - ზ. ჩავლეიშვილი.

მოისმინეს: შუახვევის მუნიციპალიტეტში ს/გზა „ხიჭაური-ნაღვარევი“ კმ0+000-კმ5+100 მონაკვეთზე ასფალტობეტონის საფარის მოწყობის სამუშაოების ელექტრონული ტენდერის აუქციონის გარეშე სახელმწიფო შესყიდვის სატენდერო განცხადების და სატენდერო პირობების პროექტის დამტკიცების შესახებ.

მომხსენებელმა - ზ. ჩავლეიშვილმა აღნიშნა, რომ შესყიდვის სავარაუდო ღირებულება შეადგენს 3 611 850.00 ლარს. შესყიდვის ობიექტის ღირებულება განისაზღვრა შპს „გზაპროექტის“ მიერ NAT210008203 ელექტრონული ტენდერის ფარგლებში 2021 წლის 30 ივნისს გაფორმებული N146 ხელშეკრულების თანახმად მოწოდებული საპროექტო-სახრჯთაღრიცხვო დოკუმენტაციის შესაბამისად.

ტენდერის სავარაუდო ღირებულების, შესასრულებელი სამუშაოების სირთულისა და მოცულობის, მიწოდების ვადისა და ბაზრის კვლევის შედეგების გათვალისწინებით განისაზღვრა აღნიშნული შესყიდვის სატენდერო პირობები, ამასთან ბაზრის კვლევის დროს გათვალისწინებული იქნა სხვა შემსყიდველი ორგანიზაციების მიერ განხორციელებული ანალოგიური შესყიდვების (NAT220002307 - მონაწილეობდა 4 პრეტენდენტი- ხელშეკრულება N30 30/03/2022 წ., სახელშეკრულებო ღირებულება 3 659 056.05 ლარი, NAT210011903 - მონაწილეობდა 3 პრეტენდენტი- ხელშეკრულება N73, 16/08/2021 წ., სახელშეკრულებო ღირებულება 2 899 985.70 ლარი,) გამოცდილება, რომლებსაც ახალი ტენდერის გამოცხადებამდე არაუგვიანეს 12 თვისა მიენიჭა სტატუსი - „ხელშეკრულება დადებულია“.

ბაზრის მოკვლევის შედეგად გამოვლენილი პოტენციური მიმწოდებლები: აკმაყოფილებენ გამოსაცხადებელი ელექტრონული ტენდერის სატენდერო პირობების ყველა მოთხოვნებს.

შესყიდვა განხორციელდება 2022-2023 წლის ბიუჯეტის ფარგლებში. სატენდერო წინადადების ფასი წარმოდგენილი უნდა იქნას დღგ-ს ჩათვლით. შესყიდვა სასურველია განხორციელდეს ელექტრონული ტენდერით აუქციონის გარეშე. ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად ვადები განისაზღვროს „სახელმწიფო შესყიდვების შესახებ“ საქართველოს კანონის 15¹ მუხლის მე-3 პუნქტის „დ“ ქვეპუნქტის შესაბამისად.

სამუშაოს შესრულების ვადაა 180 კალენდარული დღე, სამუშაო განხორციელდება - 6 ეტაპად დაყოფილი სამუშაოს შესრულების გეგმა-გრაფიკის შესაბამისად, თითოეული ეტაპი ეტაპი მოიცავს 30 კალენდარულ დღეს. 2022 წელს უნდა შესრულდეს 2 ეტაპი (60 კალენდარული დღე ხელშეკრულების დადებიდან), ხოლო 2023 წელს უნდა შესრულდეს დანარჩენი 4 ეტაპი (120 კალენდარული დღე სამუშაოების დაწყებიდან). მიმწოდებელი ვალდებულია 2022 წელს სამუშაოები დაიწყოს არაუგვიანეს 5 (ხუთი) კალენდარული დღისა ხელშეკრულების დადებიდან, ხოლო 2023 წელს სამუშაოები უნდა დაიწყოს არაუგვიანეს 2023 წლის 01 აპრილისა. მიმწოდებელს შეუძლია, ხელსაყრელი პირობების არსებობის შემთხვევაში, სამუშაოები 2023 წელს დაიწყოს 01 აპრილამდე პერიოდში. იგი ვალდებულია სამუშაოების ყოველი დაწყების შესახებ წერილობით აცნობოს შემსყიდველს. სამუშაოს დაწყების თაობაზე მიმწოდებლის წერილობით შეტყობინებაში მითითებული უნდა იყოს დეტალური ინფორმაცია - სამუშაოების ჩამონათვალი, თუ რა კონკრეტული სამუშაოები მიმდინარეობს ობიექტზე.

პრეტენდენტს მოეთხოვება შემდეგი სახის ტექნიკური დოკუმენტაციის წარმოდგენა:

1) ინფორმაცია პრეტენდენტის მატერიალურ-ტექნიკური ბაზის შესახებ:

ა) პრეტენდენტ პირს ტენდერით გათვალისწინებული სამუშაოების შესასრულებლად საკუთრებაში ან/და სარგებლობაში საქართველოს სამოქალაქო კოდექსით ნებადართული ფორმით (ქირა, იჯარა, თხოვება და ა. შ.) უნდა გააჩნდეს თანამედროვე ტექნიკური მოთხოვნების შესაბამისი შემდეგი ტექნიკა: ავტოგრეიდერი - 1 ერთეული, ექსკავატორი - 2 ერთეული, ავტოთვიმცლელი - 4 ერთეული, სატკეპნი საგზაო - 3 ერთეული, ასფალტის დამგები - 1 ერთეული, ავტოგულდრონატორი-1 ერთეული, ავტომწე - 1 ერთეული, ბეტონმრევი მანქანა - 2 ერთეული.

ბ) პრეტენდენტს საკუთრებაში უნდა გააჩნდეს ასფალტის მოქმედი ქარხანა, ან/და გაფორმებული უნდა ჰქონდეს შესაბამისი ხელშეკრულება ასფალტბეტონის მიწოდებაზე ან საიჯარო ხელშეკრულება ქარხანასთან. ასფალტბეტონის ქარხნის საკუთრებაში არსებობის შემთხვევაში წარმოდგენილი იქნას საკუთრებაში არსებობის დამადასტურებელი დოკუმენტი (აუდიტის დასკვნის წარმოდგენის შემთხვევაში დოკუმენტი გაცემული უნდა იყოს ტენდერის გამოცხადების შემდეგი თარიღით) ან/და ასფალტის მიწოდებაზე ან საიჯარო ხელშეკრულებაზე გაფორმებული ხელშეკრულების ასლი, ხელშეკრულების მოქმედების ვადა განისაზღვროს არანაკლებ 2023 წლის 30 ნოემბრისა.

„საჯარო რეესტრის შესახებ“ საქართველოს კანონის მე-11 მუხლის (უძრავ ნივთებზე უფლებათა რეესტრში რეგისტრაციისადმი დაქვემდებარებული უფლებები და ვალდებულებები) მე-5 პუნქტის თანახმად, მე-11 მუხლის პირველი პუნქტის „ა“-„ე“ ქვეპუნქტებით გათვალისწინებული უფლებების, ხოლო კერძო სამართლის იურიდიული პირის მონაწილეობით 1 (ერთი) წელზე მეტი ვადით დადებული გარიგებების (მათ შორის გარიგებებისა, რომელთა საერთო ვადა აღემატება 1 (ერთი) წელს) - აგრეთვე ამ მუხლის პირველი პუნქტის „ვ“-„ი“ და „ლ“ ქვეპუნქტებით გათვალისწინებული უფლებების წარმოშობისათვის აუცილებელია მათი საჯარო რეესტრში რეგისტრაცია.

2) პრეტენდენტ პირს 2018 წლის 01 იანვრიდან სატენდერო წინადადების მიღების დაწყების თარიღამდე პერიოდში შესრულებული უნდა ჰქონდეს არანაკლებ 6 000 000 ლარის ჯამური ღირებულების საავტომობილო გზებზე ასფალტბეტონის საფარის მოწყობის სამუშაოები, პრეტენდენტმა პირმა უნდა წარმოადგინოს ტენდერით გათვალისწინებული ანალოგიური სახის სამუშაოებზე გაფორმებული ხელშეკრულებების და ამ ხელშეკრულებებით გათვალისწინებული სამუშაოების დასრულების დამადასტურებელი დოკუმენტის ასლები - სამუშაოების შესრულების აქტი-ფორმა #2, სადაც გაშიფრული იქნება ანალოგიური სახის გამოცდილების დამადასტურებელი სამუშაოების კონკრეტული ჩამონათვალი და შესრულებული სამუშაოების მიღება-ჩაბარების აქტები. ინფორმაცია წარმოდგენილი იქნას დანართი N2-ის შესაბამისად.

3) ინფორმაცია პრეტენდენტი პირის სპეციალისტთა კვალიფიკაციის შესახებ:

ა) პრეტენდენტ პირს უნდა ჰყავდეს საინჟინრო განათლების მქონე მინიმუმ ერთი სპეციალისტი. ერთიან ელექტრონულ სისტემაში ატვირთული უნდა იყოს ამ სპეციალისტის პირადობის დამადასტურებელი მოწმობის და საინჟინრო განათლების დამადასტურებელი დიპლომის ასლები, ასევე წარმოდგენილი იქნას აღნიშნულ პირთან გაფორმებული შრომითი ხელშეკრულების ან/და ბრძანების ასლი (იმ შემთხვევაში, თუ ბრძანებით განსაზღვრულია კონკრეტული სპეციალისტის დასაქმების კონკრეტული ვადა, ამ შემთხვევაში, ეს ვადა განისაზღვროს არანაკლებ 2023 წლის 30 ნოემბრისა), რომელიც ადასტურებს მიმწოდებელთან მისი მუშაობის ფაქტს. შრომითი ხელშეკრულების შემთხვევაში, ხელშეკრულების მოქმედების ვადა განისაზღვროს არანაკლებ 2023 წლის 30 ნოემბრისა).

ბ) პრეტენდენტ პირს უნდა ჰყავდეს „შრომის უსაფრთხოების შესახებ“ საქართველოს ორგანული კანონის მე-3 მუხლის

„ი“ პუნქტით განსაზღვრული არანაკლებ 1 (ერთი) შრომის უსაფრთხოების სპეციალისტი. პრეტენდენტმა, უნდა წარმოადგინოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2018 წლის 31 ოქტომბრის №01-25/ნ ბრძანებით დამტკიცებული „შრომის უსაფრთხოების სპეციალისტის აკრედიტებული პროგრამის მოცულობის, განხორციელების წესისა და პირობების“ თანახმად, შრომის უსაფრთხოების სპეციალისტის აკრედიტებული პროგრამის დამადასტურებელი სერთიფიკატი ან/და უმაღლესი განათლების ფარგლებში განხორციელებული სასწავლო სასწავლო პროგრამის წარმატებით დასრულების დამადასტურებელი დიპლომის ასლი. ასევე, წარმოდგენილი იქნას აღნიშნულ პირთან გაფორმებული შრომითი ხელშეკრულების ან/და ბრძანების ასლი (იმ შემთხვევაში, თუ ბრძანებით განსაზღვრულია კონკრეტული სპეციალისტის დასაქმების კონკრეტული ვადა, ამ შემთხვევაში, ეს ვადა განისაზღვროს არანაკლებ 2023 წლის 30 ნოემბრისა), რომელიც ადასტურებს მიმწოდებელთან მისი მუშაობის ფაქტს. შრომითი ხელშეკრულების შემთხვევაში, ხელშეკრულების მოქმედების ვადა განისაზღვროს არანაკლებ 2023 წლის 30 ნოემბრისა.

4) 6 ეტაპად დაყოფილი სამუშაოს შესრულების გეგმა-გრაფიკი, თითოეული ეტაპი მოიცავს 30 კალენდარულ დღეს, აქედან 2022 წელს უნდა შესრულდეს 2 ეტაპი (60 კალენდარული დღე ხელშეკრულების დადებიდან) და შესრულებული სამუშაოს ღირებულებამ უნდა შეადგინოს არანაკლებ 200 000.00 ლარისა, აქედან - I ეტაპზე უნდა შესრულდეს - არანაკლებ 50 000 ლარის, ხოლო მე-2 ეტაპზე - დარჩენილი 150 000 ლარის სამუშაოები, 2023 წელს უნდა შესრულდეს დანარჩენი 4 ეტაპი (120 კალენდარული დღე სამუშაოების დაწყებიდან), მიმწოდებელი ვალდებულია მე-3 ეტაპზე შეასრულოს - ელექტრონულ ტენდერში ვაჭრობის შედეგად დაფიქსირებული საბოლოო სატენდერო ღირებულების (სახელშეკრულებო ღირებულების) 2023 წელში შესასრულებელი სამუშაოს თანხის არანაკლებ 5%-ის, მე-4 ეტაპზე არანაკლებ 10%-ის, მე-5 ეტაპზე - არანაკლებ 15%-ის, ხოლო მე-6 ეტაპზე დარჩენილი 70%-ის სამუშაოები. წარმოდგენილი იქნას მოთხოვნის შესაბამისი გეგმა-გრაფიკი, სადაც დაფიქსირებული იქნება კონკრეტულ ეტაპში განსაზღვრული დღეების რაოდენობა და ყოველ ეტაპზე შესასრულებელი სამუშაოს ღირებულება (გეგმა-გრაფიკის შედგენის დროს ფასების ცხრილში დაფიქსირებული გაუთვალისწინებელი ხარჯების შესაბამისი თანხა დღგ-ს ჩათვლით გამოირიცხება საერთო ღირებულებიდან). მიმწოდებელი ვალდებულია სამუშაოები შეასრულოს სამუშაოების შესრულების გეგმა-გრაფიკის შესაბამისად, რომელიც თან დაერთვის ხელშეკრულებას, გეგმა-გრაფიკი დამოწმებული უნდა იყოს ელექტრონული ხელწერით ან/და კვალიფიციური ელექტრონული შტამპით.

პრეტენდენტს მოეთხოვება სარეგისტრაციო/უფლებრივი მონაცემების ამსახველი დოკუმენტ(ებ)ის წარმოდგენა, კერძოდ:

ა) ამონაწერი სამეწარმეო და არასამეწარმეო (არაკომერციულ) პირთა რეესტრიდან;

ბ) ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ, საიდანაც უნდა იკვეთებოდეს რომ პრეტენდენტს არ გააჩნია აღიარებული დავალიანება ბიუჯეტის მიმართ, ამასთან არაღიარებული საბიუჯეტო დავალიანება არ უნდა აღემატებოდეს ცნობაში დაფიქსირებულ ზედმეტობის თანხას.

- იმ შემთხვევაში თუ პრეტენდენტის მიერ წარმოდგენილ საკვალიფიკაციო მონაცემებში რეგისტრირებულია ყადაღა/აკრძალვა ან/და საგადასახადო გირავნობა/იპოთეკის უფლება ან/და პრეტენდენტი რეგისტრირებულია მოვალეთა რეესტრში, ასევე თუ შემოსავლების სამსახურის მიერ გაცემული ცნობის თანახმად ფიქსირდება ბიუჯეტის წინაშე დავალიანება, პრეტენდენტი დისკვალიფიცირებული იქნება სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დანტკიცებული „ელექტრონული ტენდერის ჩატარების წესის“ 32-ე მუხლის 1 პუნქტის (ე) ქვეპუნქტის საფუძველზე.

- მოეთხოვება ხელშეკრულების შესრულების უზრუნველყოფის გარანტია ხელშეკრულების ჯამური ღირებულების 5%-ის ოდენობით, ხოლო სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში ხელშეკრულების ჯამური ღირებულების 10%-ის ოდენობით, რომლის მოქმედების ვადა 90 (ოთხმეცთამთი) კალენდარული დღით უნდა აღემატებოდეს სამუშაოების შესრულების ვადას (30 კალენდარული დღით უნდა აღემატებოდეს ხელშეკრულების მე-2 მუხლის 2.8 პუნქტით გათვალისწინებული ექსპერტიზის დასკვნის წარმოდგენის ვადას).

- გათვალისწინებულია ავანსის გაცემა სახელშეკრულებო ღირებულების არაუმეტეს 20%-ის ოდენობით, მაგრამ მიმდინარე წელს არაუმეტეს 200 000.00 ლარისა.

- განისაზღვროს შეთავაზების ფასის კლების ზიჯი - შესყიდვის სავარაუდო ღირებულების - 1%.

კომისიის წევრებმა განიხილეს წარმოდგენილი სატენდერო განცხადებისა და სისტემაში ელექტრონულად შევსებული სატენდერო პირობების პროექტი და მხარი დაუჭირეს წარმოდგენილ პროექტს.

დაადგინეს:

1. დამტკიცდეს წესრიგი: შუახევის მუნიციპალიტეტში ს/გზა „ხიჭაური-ნაღვარევი“ კმ0+000-კმ5+100 მონაკვეთზე ასფალტობეტონის საფარის მოწყობის ელექტრონული ტენდერის აუქციონის გარეშე სახელმწიფო შესყიდვის წარმოდგენილი სატენდერო განცხადების და სისტემაში ასატვირთი ელექტრონულად შევსებული სატენდერო პირობების პროექტი; შესყიდვა განხორციელდეს ელექტრონული ტენდერით აუქციონის გარეშე.

2. განისაზღვროს შესყიდვის საორიენტაციო ღირებულება - 3 611 850.00 ლარის ოდენობით.

3. დაევალოს სატენდერო კომისიის აპარატს ტენდერის გამოცხადების პროცედურების განხორციელება.

კომისიის თავმჯდომარე:



სულხან მოწყობილი

კომისიის თავმჯდომარის მოადგილე:



ზებურ ჩავლეიშვილი

კომისიის წევრები:



მალხაზ ბოლქვაძე



ასლან დუმბაძე



აკაკი გოგიტიძე

აპარატის წევრი:



ირინა ფუტკარაძე